

Na 2002 polis a soluciona 975 caso di total di 6412

ORANJESTAD(AAN): Den e relato anual di cuerpo policial por a lesa cu e realidad fuerte di criminalidad ta stipula den e porcentahe di casonan soluciona di e cantidad di casonan registra.

Na final di 2002 tabata tin na distrito Oranjestad 3004 caso habri ainda y e cantidad di casonan cu a wordo soluciona tabata 516, locual ta 14,7 por ciento di e total di casonan registra.

Distrito San Nicolas tabata tin 1373 caso habri y soluciona 343 cu ta 20 por ciento di e casonan.

Distrito di Noord ta sigui cu 1060 caso habri y 116 caso

soluciona, cu den porcentahe ta 9,9 y cifranan di distrito di Santa Cruz no ta conoci.

E total di casonan registra, 6412 na 2002, un total di 975 a keda soluciona y den porcentahe esaki ta 15,2 por ciento.

TRAFICO

E cantidad mas grandi di procesverbaal (boet) relaciona cu transito, a wordo traha den distrito di Oranjestad na 2002.

Esaki tabata 5055.

Den distrito Oranjestad a tuma lugar 5346 dalmento di vehiculo, noord 1245 (889 procesverbaal traha), San Nicolas 1879 (110 procesver-

baal traha) y Santa Cruz 1113 dalmento pa cualnan a traha 244 procesverbaal.

Riba nos isla a keda registra na 2002 un total di 9583 desgracia di transito y den esakinan un total di 16 persona a perde nan bida.

MEDIO AMBIENTE

Preocupacion pa medio ambiente ultimo añanan ta birando mas y mas grandi y debi na esaki polis ta haya su mes involvi mas tanto tambe den asuntonan relaciona cu medio ambiente den nos comunidad.

Na 2002 a keda registra 40 caso den distrito Santa Cruz, unda po-

lis mester a actua debi na entre otro holor malo, humo of gas.

Den distritonan Noord y Oranjestad e cifranan tabata respectivamente 19 y 03.

Cantidad di vuelo di KLM pa Bonaire ta bira menos



ORANJESTAD (AAN): E avion tipo Boeing 747-300 cu keto bay KLM tin den su fleta, ta worde 'saca' afo debi na situacion financiero di e compania. E avionnan aki ta hopi costoso pa opera, y awor e aerolinea Hulandes ta preparando pa cuminsa usa mas di e avion nobo tipo Boeing 777 na December venidero.

Debi na e cambio acelera aki, di elimina e avion, lo tin menos avion pa bula cune den e red completo di itinerario di KLM. Consecuentemente e famoso 14 vuelonan di KLM di Amsterdam pa Bonaire, lo baha tambe. Esey ta loke Kor Kolfringa, director di Flamingo Airport a declara den

un entrevista cu DIARIO.

Esaki lo no nifica cu den futuro cercano lo mira Avion tipo Boeing 777 yega sea Aruba of Antiyas. Parce cu KLM lo no use riba e ruta Caribense.

E Director di Aeropuerto a compronde cu e ta un situacion temporal despues di e highseason. Esta entrante 1 di September te ora cu Invierno yega.

"Mi ta spera cu e ta un situacion temporal, y tambe cu economia mundial drecha y naturalmente cu nos aki na Bonaire lo ricibi un señal positivo for di Aviacion Civil di Curaçao pa certificacion di e prome avion di BonairExel," el a declara.

Confirmacion ricibi di Hulanda

Gulidor di Bolita morto no ta Arubiano

ORANJESTAD (AAN): Te recien, Polis na Hulanda a divulga identidat di un gulidor di bolita, kende mey-mey di luna di Juni a worde haya morto den Zuiderpark na Rotterdam. E tempo ey DIARIO a publica cu tin speculation cu e por ta un Arubiano.

Ta trata aki di un muher di 59 aña di edad, kende a nace na Republica Dominicana, pero ta biba na Curaçao.

Autoridad Hulandes a practica autopsia riba e restonan mortal, y a conclui cu e muher a fayece debi cu el a guli bolicitan di cocaina. Un persona den e parke a topa cu e curpa sin bida mey-mey di

matanan. Na e momento ey tabatin centenares di hende den e Parke.

Recherche ta sospecha cu e muher a muri un otro lugar,

pero e curpa a ser benta ey-nan. No tin informacion ainda kende a trece e curpa na e parke patras di e Hal di Evento "Ahoy".

7947 denuncia haci na polis durante 2002

ORANJESTAD(AAN):

Cuerpo policial di Aruba a emiti su relato anual 2002 y den e parti di criminalidad riba nos isla por a lesa cu e total di denuncianan haci du-

rante 2002 den e cuatro distritonan (Oranjestad, Noord, San Nicolas y Santa Cruz) tabata 7947.

Mayoria di e denuncianan a tuma lugar den distrito Oranjestad y esaki tabata un total di 5444.

Di e 5444 denuncianan 1924 a drenta cerca Surveillance Dienst y 3520 cerca recherche di e distrito.

Na di dos lugar pa locual ta denuncianan ta haya distrito 3 cu ta San Nicolas, cu 2049, sigui respectivamente pa distritonan di Noord y Santa Cruz cu 327 y 127 denuncia.

PROBLEMATICA DI DROGA

Pa locual ta e problematica di droga, ta ser menciona cu tabata tin 105 caso di violacion di leyman relaciona cu droga na Oranjestad.

Oranjestad tabata wordo sigui pa San Nicolas cu 45, Noord cu 22 y Santa Cruz cu 4 violacion.

Polisnan rabia ta puntra: Bernadina lo haya su gana awor?

AWE LANDSRECHERCHE LO DETENE POLIS DEN CASO ONTVANGER

ORANJESTAD(AAN): Manera Diario a publica dialuna, tin informacion cu awe Landsrecherche riba orden of peticion di Bernadina lo detene e polis pa vrijheidsbeneming.

Bernadina a informa e polis ayera cu e tin cu bay Landsrecherche awe pa e worde deteni.

Coleganan disgusta ta puntra si ta asina cos ta bay awor. Tambe nan ta bisa cu cualkier polis nobo (y ken otro cu sa un tiki ley) sa cu aki no tin ningun sorto di vrijheidsbeneming y nan no por compronde con un meester in de rechten por pretende esey.

E coleganan di cu ningun hende no ta compronde mas kico ta pasando.

No ta conoci si ta modelo di Aruba a worde usa

Municipio na Hulanda a haya "Status Aparte"

ORANJESTAD (AAN): For di Hulanda segun informe ricibi, e municipio Moerdijk ta haya un "Status Aparte" na e provincia Noord Brabant.

Representantenan asina yama Gedeputeerde a duna sosten amplio pa e idea aki. E informe aki ta parce cu e lucha di Aruba pa para riba su propio pia despues di basta aña, lo a bira un modelo tambe na Hulanda.

Manera tur bon Arubiano sa, Betico Croes a lucha pa su pueblo por a haya un status aparte cu Hulanda. Otro Islanan manera Isla Ariba (St. Maarten) despues Bonaire ainda ta lucha pero cada vez nan ta ricibi un 'no' for di Hulanda.

Pero awor un municipio na Hulanda, esta Moerdijk, ta logrando nan meta pa para riba nan propio pia y tuma decision riba nan mes.